



古今名醫類案

第七卷

諸蟲 哮喘 遍身痛
 身痒 面病 附疥
 耳 鼻 眉
 眉髮自落 髮須髮不白
 目 咽喉 口 舌
 牙 疳 皮膚皴裂
 骨硬 誤吞金鎖
 誤吞水蛭蜈蚣 蛇虫獸咬

特別
 79
 517



7
517
7



名醫類案卷之七

明新都望南江權集

長子應元校正

次子應宿述補

諸蟲

太倉公治一女病甚眾醫皆以為寒熱篤當死不治公診其脉曰螻蝻為病腹大上層黃蠱循之戚戚然公飲以荒華一撮即出螻可數升病已三十日如故病螻得之於寒濕寒濕氣宛篤不發化為蟲公所以知其病者切其脉循其尺索刺蠱而毛美奉髮是蟲氣也其色澤者中藏無邪氣及重病

華佗治一人忽患胸中煩滿面赤不食診之曰君胃中有蟲欲成內疽腥物所爲也卽作湯二升垂服須臾吐出蟲三升許頭赤而動半身猶是生魚膾所苦遂愈

唐張鷟朝野僉載云洛州有士人患應聲語卽喉中應之以問良醫張文仲張經夜思之乃得一法卽取本草令讀之皆應至其所畏者卽無聲仲乃錄取藥合和爲丸服之應時而止乃知古有是事鐵圍山叢話

永州通判廳軍負毛景得奇疾每語喉中必有物作擊相應有道人教令誦本草藥名至藍而默然遂取藍挾汁飲之少頃吐出肉塊長二寸餘人形悉具劉襄子思爲永倅景正被疾踰年親見其愈泊宅編

許叔微精於醫云五藏蟲皆上行唯有肺蟲下行最難治當用獺爪爲末調藥初四初六日治之此二日肺蟲上行

金州防禦使崔堯封有甥李言吉左目上臉忽生一小瘡漸大如鴨卵其根如弦恒偃其目不能開堯封飲之令大醉遂與割去瘡既破中有黃雀飛鳴而去聞奇錄

一婦人忽生蟲一對於地能行長寸餘自後月生一對醫以苦參加打蟲藥爲丸服之又生一對埋於土中過數月發而視之暴大如拳名子母蟲從此絕根

青陽夏威宗陽家素業醫任江陰訓導有主員之父患腹脹求其診視乃曰脉洪而大濕熱生蟲之象况飲食如

常非水腫蠱脹之證以石榴皮椿樹東行根加檳榔五味各五錢長流水煎空心頓服之少頃腹作大痛瀉下長蟲一文許遂愈客坐新聞

吳楚山治一婦產後惡露欠通寒熱時作小腹結成一塊形大如杯抽刺疼痛用聚寶丹蟠葱等藥俱不効一日吳診其脉洪而緊以虎珀膏貼患處二日後其塊漸軟其痛如常倏然陰戶中覺如蟲行動狀少頃小溲出蟲三條形長寸許身紅頭紫有鬚出此之後其痛漸緩過後二次仍出四條蟲狀如前痛止身安諸患皆愈因意病者未產之前尿胞必有濕熱生蟲之患偶因產後去血况服諸香燥熱之劑及貼虎珀膏亦是追蟲之物蟲

不能容所以因而出也

陸顛吳郡人自幼嗜麪食食愈多而質愈瘦胡人以藥吐一蟲長二寸許色青狀如蛙此名消麪再實天下之奇寶也其說甚異不具述說淵

虞花溪治一婦人患屍蟲用花椒二分苦練根一分丸服其蟲盡從大便泄出

一人患腦痛爲蟲所食或教以挑葉枕一夕蟲自鼻出形如鷹嘴莫能識其名遜齋間覽

一人在姻家過飲醉甚送宿花軒夜半酒渴欲水不得遂口吸石槽中水碗許天明視之槽中俱是小红蟲心從然而驚鬱鬱不散心中如有蛆物胃脘便覺閉塞日想

月疑漸成痲隔遍醫不愈其球往視之知其病生於疑也
用結線紅色者分開剪斷如蛆狀用芭荳二粒同飯
搗爛入紅線丸十數丸令病人暗室內服之置宿盆內
放水須臾欲瀉令病人坐盆瀉出前物蕩漾如蛆然後
開窓令親視之其病從此解調理半月而愈

從政郎陳樸富沙人母高氏年六十餘得飢疾每作時如
虫齧心即急索食食罷乃解如是三四年畜一猫極愛
之常置於傍一日命取鹿脯自嚼而啖猫至於再覺一
物上觸喉間引手探得之如拇指大墜於地頭尖匾類
鰕沙魚身如蝦殼長八寸漸大俾兩指其中盈實剖之
腸肚亦與魚同有八子胎生蠕蠕若小鯽人莫識其爲

何物蓋聞脯香面出高氏疾即愈 類編

趙子山寓居邵武軍天王寺苦寸白蟲爲撓醫者戒云是
疾當止酒而以素所耽嗜欲罷不能一夕醉於外舍歸
已夜半口乾咽燥倉卒無湯飲適廊廡間有甕水月映
瑩然可掬即酌而飲之其甘如飴連飲數酌乃就寢迨
曉蟲出盈席覺心腹頓寬宿疾遂愈驗其所由蓋寺僕
日織草履浸紅藤根水也 庚志

祭定夫戡之子康積苦寸白爲孽醫者使之碾檳榔細末
取石榴東引根煎湯調服之先炙肥猪肉一大罈實口
中燕咀其津膏而勿食云此蟲惟月三日以前其頭向
上可用藥攻打餘日即頭向下縱藥之無益蟲聞肉香

嘔啖之意故空群爭赴之覺胃中如萬箭攻攢是其候也然後飲前藥蔡如其戒不兩刻腹中雷鳴急奔廁蟲下如傾令僕以杖撥之皆聯屬成串幾長數尺尚蠕蠕能動舉而棄之溪流宿患頓愈故廣其傳以濟人云文志

一人曰灼艾訖火痂便落瘡內鮮血片片如蝴蝶樣騰空飛去痛不可忍此是血肉俱熱用大黃芒硝等分為末水調下微利即愈

一人有蟲如蟹走於皮下作聲如兒啼為筋肉之化用雷丸雄黃等分為末搽猪肉上炙肉食之即愈

一人臨卧忽渾身虱出約五升血肉俱壞而舌尖血出不止用鹽醋湯飲下數次即愈

一人大腸內蟲出不斷斷之復生行坐不得鶴虱未調服五錢自愈

一人腹中如鐵石臍中水出旋變作蟲行之狀遶身作痒痛不可忍扒掃不盡濃煎蒼朮浴之又以蒼朮射香水調服之

楊勛中年得奇疾每發言腹中有小聲効之數年間其聲浸大有道士見而驚曰此應聲蟲也久不治延及妻子宜讀本草遇蟲不應者當取服之勛如言讀至雷丸蟲忽無聲乃頓服數粒遂愈正敏後至長沙遇一丐者亦有是疾環而觀之者甚眾因教使服雷丸丐者謝曰某貧無他技所以求衣食於人者唯藉此耳

一人頭皮內時有蛆行以刀切破用系瓜葉擠汁搽之蛆
出盡絕根

汪石山治一婦每臨經時腰腹脹痛玉戶淫淫蟲出如鼠
粘子狀綠色者數十枚後經水隨至其夫問故汪曰厥
陰風木生蟲婦人血海屬於厥陰此必風木自甚兼脾
胃濕熱而然也正如春夏之交木甚濕熱之時而生諸
蟲是也宜清厥陰濕熱即令以酒煮黃連為君白木香
附為臣研末粥丸空腹吞之月餘經至無蟲且姪矣
休寧西山金舉人嘗語人曰予嘗病小腹甚痛百藥不應
一醫為灸關元十餘壯次日莖中淫淫而痒視之如蟲
出四五分急用鐵鉗扯出果長五六寸連者蟲出如此

者七痛不復作初甚驚恐後則視以為常皆用手扯此
亦偶中也仲景云火力雖微內攻有力蟲為火力所逼
勢不能容故從溺孔出也其人善飲胃內膀胱不無濕
熱遇有留血瘀濁則附形蒸鬱為蟲矣經云濕熱生蟲
有是理也故癆蟲寸白蟲皆由內濕熱蒸鬱而生非自
外至者也正如春夏之交濕熱蒸鬱而諸蟲生焉是矣
此亦奇病因記之

無錫一人遍身膚肉有紅虫如線長二三寸時或遊動瞭
瞭可見痒不可勝醫莫能治一日偶思食水蛙蛙至虫
遂不見乃市蛙為脯且晚食之月餘其虫自消

五湖
漫聞

[Faint bleed-through text from the reverse side of the page]

哮喘

江少微治小兒藍哮喘聲如曳鋸以江西淡豆豉一兩白砒
 一錢研細拌入精猪肉四兩內以泥固濟炭火煨出清
 煙為度研細和淡豉搗勻為丸如黍米大每服二三十
 丸滾白水送下忌大葷鹽醬一月而愈

一貴公子患鹽哮喘年方九齡每以風寒即發投以噲丸藥
 餅夜臥醒放舌上任其自化下隨効方用苦葶歷五錢
 隔紙茯苓五錢花粉麻黃杏仁欵花葶桑白皮蜜炙貝母
去心各三錢五味子二錢罌粟殼蜜炙一錢五分右為細末
 烏梅肉三錢棗肉三錢煮爛如泥搗和前末為餅每重
 一分半服未半料永不復發須忌鹽大葷一兩月

一 小兒鹽哮喘嗽用海螵蛸刮屑研細末以白糖醃吃愈
一 富兒厚味發哮喘以蘿蔔子淘淨蒸熟晒乾爲末薑汁
蒸餅爲丸每服三十九津嚥下

遍身痛

周離亭治一人遍身疼每作殆不可忍都下醫或云中風
或云中濕或云脚氣治俱不効周曰此血氣凝滯也沈
思良久爲製一散服之甚驗方以延胡索當歸桂等分
依常法治之爲末疾作時溫酒調下三四錢隨人酒量
頻進之以止爲度蓋延胡索活血化氣第一品也其後
趙侍制霆導引失節肢體拘攣數服而愈 泊宅編
江應宿休寧程君膏長子年十八歲遍身疼痛脚膝腫大
體熱面赤此風濕相搏也與當歸拈痛湯二三服熱退
而愈

此處有極淡的墨迹，似乎是另一頁文字或批註的殘留，但已極其模糊，難以辨認。

身痒

意菴治一人因田間收稻忽然遍身痒入骨髓用食鹽九
 錢泡湯三碗每進一碗探而吐之如是者三而痒釋矣
 一小兒遍身作痒以生薑搗爛以布包擦之而止
 倪仲賢治吳陵盛架閣內子左右肩背上下患痒至兩臂
 頭面皆然屢以受灼痒輒暫止且復作如是數年老人
 以其脉曰左關浮盛右口沈實此酒食滋味所致也投
 以清熱化食行滯之劑其痒遂止
 江汝潔治一婦人患上身至頭面俱痒刺痛起塊眾醫皆
 謂大風等症江診得左手三部俱細右手三部皆微實
 大都六脉俱數經曰微者為虛弱者為虛細者氣血俱

虛蓋心主血肝藏血乃血虛無疑腎藏精屬水其部見
微乃為水不足水既不足相火妄行無制以致此疾經
曰諸痛瘡痒皆屬心火右手寸脈實實者陽也脈經曰
諸陽為熱乃熱在肺分火剋金故也且肺主皮毛皮毛
之疾肺氣主之胃膈及皮毛之疾為至高之疾也右關
微為實乃火在土分土得火則燥肌肉之間脾氣主之
肌肉及皮毛痛痒皆火熱在上明矣右尺微實火居火
位兩火合明陽多陰少治宜補水以制火養金以伐木
若作風治未免以火濟火以燥益燥也乃以生地黃白
芍各一錢參芪各六分連翹丹皮各六分麥冬八分栢
皮防風甘草各四分五味子九粒黃連四分水煎溫服

查內加苦參一兩再煎洗十數劑而安

一男子每至秋冬遍身發紅點作痒此寒氣收斂腠理陽
氣不能發越焮鬱內作也宜以人參敗毒散解表再以
補中益氣湯實表而愈

一女子十二歲善怒遍身作痒用柴胡川芎山梔芍藥以
清肺火以生地當歸黃芩涼肝血以白朮茯苓甘草健
脾土而愈半載後遍身起赤痕或時眩暈此肝火熾甚
血得熱而妄行是夜果經至

[Faint bleed-through text from the reverse side of the page]

面病 附非腮

羅謙甫治楊郎中之內年五十餘體肥盛春患頭目昏悶
面赤熱多服清上藥不効羅診其脉洪大而有力內經
云面熱者手陽明病脉經云陽明經氣盛有餘則身已
前皆熱况其人素膏粱積熱於胃陽明多血多氣本實
則風熱上行諸陽皆會於頭故面熱之病生矣先以調
胃承氣湯七錢黃連二錢犀角一錢疎利三兩行微其
本熱次以升麻加黃連湯去經絡中風熱上行則標本
之病俱退矣方以升麻葛根各一錢白芷七分甘草炙
白芍各五分連芩酒製各四分川芎生犀末各三分荆
芥穗薄荷葉各二分右以咀水半盞先浸川芎荆芥穗

薄荷作一服水二盞半煎至一盞半入先浸三味同煎至一盞食後溫服日三服忌濕麪五辛之物

真定府維摩院僧年六十餘體椿弱初冬病頭面不耐寒氣弱不敢當風行諸法不効羅診其脉弦細而微且年高常食素茶菓而已此陽明之經本虛脉經云氣不足則身已前皆寒慄又加誦經文損氣由此胃氣虛經絡之氣亦虛不能上達頭面故大惡風寒先以附子理中丸數服而溫其中氣次以升麻加附子湯行其經絡方以升麻葛根各一錢白芷黃芪各七分甘草炙草苴薏仁人參各五分黑附炮七分益智三分作一服連鬚葱白同煎數服良愈或曰升麻湯加黃連治面熱加附子

治面寒有何依據答曰出自仲景云診楊氏脉陽明標本俱實先攻其裏後瀉經絡中風熱故升麻湯加黃連以寒治熱也尼僧陽明標本俱虛寒先實其裏次行經絡故升麻湯加附子以熱治寒也仲景群方之祖信哉有人因灸三里而滿面黑氣醫皆以謂腎氣浮面色候也有人云腎經有濕氣上蒸於心心火得濕成烟氣形於面面屬心故心腎之氣常相通如坎之外體即離離之外體即坎心腎未嘗相離也耳屬水其中虛則有離之象目屬火其中滿則有坎之象抑可見矣以去濕藥治之如五苓散黃芪防已之類皆可用

餘枕人和倅將赴官因蒸降真木犀香自開甌面小甌面

上為熱氣所薰面即浮腫口眼皆為之閉更數醫不能治一醫云古無此證以意瘥之乃取僧寺久用炊布燒灰存性隨傳而消未半月愈蓋以炊布受湯上氣多反用以出湯毒猶以鹽水取鹹味取此心法之巧也
興國初有任氏有美色聘進士王公甫謂甫不遂寸祿愁鬱不樂面色漸黑自慚而歸母家求治一道人曰是可瘥也以女真散酒下二錢日兩服數日間面變微白一月如舊賂得其方用黃丹紫苑俱等分為末爾各醫錄
一人患頭面發熱有光色他人手近如火灸用蒜汁半兩酒調下吐一物如蛇遂安
一人面肉腫如蛇狀用濕磚上青苔一錢水調塗立消

仁宗在東宮時嘗患疔瘡命道士贊能治瘡取赤小豆四十九粒呪之雜他藥為末傳之而愈中貴任承亮在傍知然後承亮自患惡瘡瀕死尚書郎傳求授以藥立愈問其方亦小豆也承亮始悟道士之技所謂誦呪乃神其術耳久之公官過豫章或苦脇疽幾達五藏醫者治之甚捷承亮曰君得非用小赤豆耶醫驚拜曰某用此活三十餘人願勿復宣言周少隱病宗室彥符傳之曰善惡諸瘡無藥可治者皆能治有僧發背狀如爛肉周隣家乳婢腹疽作用之皆如神其法細末水調傳瘡及四傍赤腫藥落再傳之類編
薛立齋治地官陳用之患疔瘡服發散之劑寒熱已退腫

毒不消欲作膿也用託裏消毒散而膿成又用託裏散而毒潰但膿清作渴用八珍加麥門五味三十餘劑而愈

上舍盧君患前症兩尺脈數症屬腎經不足誤服消毒之劑致損元氣而不能愈用補中益氣六味丸料而愈上舍熊君願後患之膿水清稀形體消瘦遺精盜汗肺熱口乾痰氣上湧久而不愈脈洪大按之微細用加減八味丸料并十全大補湯不數劑諸症悉愈

一婦人素內熱因怒耳下至頸腫痛寒熱用柴胡山梔散而腫痛消用加味道遙散而熱退用八珍湯加丹皮而內熱止

宋朝類苑載楊峒瘍生於頰連齒輔車外腫若覆碗膿血內潰痛楚甚療之百方不差或語之曰天官瘍醫中有名方何不試用峒按瘍醫註疏中法製之用藥注瘡中少損朽骨連牙潰出遂愈周禮瘍醫掌腫瘍潰瘍折瘍金瘍之祝藥副殺之齊凡療瘍以五毒攻之所謂腫者壅腫也潰者膿血溢也折者傷損也金者刃傷也祝讀如注以藥傳著之也副刮去膿血也殺去其惡肉也齊與劑同五毒五藥之有毒者石膽一丹砂二雄黃三礬石四磁石五用黃整實五石其中燒之三日夜其煙上著以雞羽掃取之以注瘡惡肉破骨盡出黃整實瓦器也此當為後醫方之祖焦氏筆乘

湯醫公孫知叔記問該博深明百藥之性創造五毒之劑
取丹砂養血而益心雄黃長肉而補脾礬石理脂膏而
助肺磁石通骨液而壯腎石膽治筋而滋肝外療瘡瘍
之五症內應五藏拘之以薰蒸熟之以火候藥成傳瘍
無不神效一人鬚有疽一夕決潰勢欲殆以前藥傳之
應手而差 推蓬籍語

一幼女患唇四圍生瘡黃脂如蠟用旋覆花燒灰存性真
蘇油調搽愈又一孩滿面生瘡用蛇退煨存性香油調
搽愈

耳

橘泉治一人病頭眩兩耳鳴如屯萬蜂中甚痛心撓亂不
自持醫以為虛寒下天雄矣翁曰此相火也而脉帶結
是必服峻劑以劫之急與降火升陽補陰之劑脉復病
愈

孫兆殿丞治平中間有顯官權府尹忘其名氏一日坐堂
決事吏人環立尹耳或聞風雨鼓角聲顧左右曰此何
州郡也吏對以天府尹曰若然吾乃病耳遽召孫公往
焉公診之與藥治之翌日病愈尹召孫問曰吾所服藥
切類四物飲孫曰是也尹曰始慮為木患服此藥立愈
其故何也孫曰心脉太甚腎脉不能歸耳以藥涼心經

則腎脉復歸乃無恙青箱記

張友夔壯歲常苦兩耳痒日一作過其甚時殆不可耐挑剔無所不至而所患自若也常以堅竹三寸許截之拆為五六片細刮如洗帚狀極力撞入耳中皮破血出或多至一蠅殼而後止明日復然失血既多為之困悴適有河北醫士周敏道至詢之曰此腎藏風虛致浮毒上攻未易以常法治也宜買透水丹服之勿飲酒啖濕麪蔬菜雞猪之屬能盡一月為佳夔用其戒數月痒止而食忘不能又既而復作乃著意痛斷累旬耳不復痒類編薛立齋治文選姚海山耳根赤腫寒熱作痛屬三焦風熱但中氣素虛以補中益氣加山桅炒芩牛蒡子而愈

一儒者因怒耳內作痛出水或用祛風之劑筋攣作痛吐體如東此肝火傷血前藥復損所致非瘡毒也用六味料而愈

一人年二十耳內出水作痛年餘矣脉洪數尺脉為甚屬肝腎二經虛熱用加減地黃丸料一劑而愈

一男子每交接耳中作痛或作痒或出水以銀簪探入甚喜陰涼此腎經虛火用加減八味丸而愈

一婦人因怒發熱每經行兩耳出膿兩太陽作痛以手按之痛稍止怒則胃脇乳房脹痛或寒熱往來小溲頻數或小腹脹悶皆屬肝火血虛用加味逍遙散一劑諸症悉退以補中益氣加五味而痊

太卿魏莊渠癸卯仲冬月耳內作痛左尺洪大而瀆薛曰
此腎水枯竭不能生木當滋化源爲善彼不信仍雜用
補腎之劑薛曰不生腎水必不能起明春三月召治則
昏憤不語頤耳之下已有膿矣且陰莖縮入腹內小便
無度固辭不克用六味丸料一鍾陰莖舒出小便十減
六七神思頓醒薛曰若急破膿出庶庭數日不信翌日
耳膿出而歿

憲副姜特川癸卯冬就診右寸浮數而有痰口內如有瘡
然薛曰此胃火傳於肺也當薄滋味慎起居甲辰秋復
就診尺脈洪數而無力曰此肺金不能生腎水無根之
火上炎也宜靜調養滋化源彼云今喉耳不時燥痛肌

體不時發熱果是無根之火無疑矣退謂人曰薛謂我
病可疑至乙巳春復往視之喉果腫潰脈愈洪大又誤
以爲瘡毒投苦寒之劑遂卒

一婦人因勞耳鳴頭痛體倦此元氣不足用補中益氣加
麥冬五味而痊三年後得子因飲食勞倦前症益甚月
經不行晡熱內熱自汗盜汗用六味地黃丸補中益氣
湯頓愈前症若因血虛有火用四物加山梔柴胡不應
八珍加前藥若氣虛弱用四君子若怒耳若聾或鳴者
實也小柴胡加芎歸山梔虛用補中益氣加山梔若午
前甚作火治用小柴胡加炒連炒梔氣虛用補中益氣
午後甚作血虛用四物加白朮茯苓若陰虛火動或兼

痰甚作渴必用地黃丸以壯水之主經曰頭痛耳鳴九
竅不利腸胃之所生也脾胃一虛耳目九竅皆爲之病
少宰李蒲汀耳如蟬鳴服四物湯耳鳴益甚此元氣虛損
之症五更服六味地黃丸食前服補中益氣頓愈此症
若血虛而有火用八珍加山柅柴胡氣虛而有火用四
君加山柅柴胡若因怒就聾或鳴實用小柴胡加芎歸
山柅虛用補中益氣加山柅午前甚用四物加白朮茯
苓又須用補中益氣午後甚用地黃丸
少司馬黎仰之南銀臺時因怒耳鳴吐痰作嘔不食寒熱
脇痛用小柴胡合四物加山柅茯神陳皮而瘥
石山治一人年近六十面色蒼白病左耳聾三十年矣近

年來或頭左邊及耳皆腫潰膿膿從耳出甚多時或又
腫復膿今則右耳亦聾屢服祛風去熱逐痰之藥不効
汪診左手心脈浮小而駛肝腎沈小而駛右脈皆虛散
而數此恐乘興遠來脈未定耳來早脈皆稍斂不及五
至非比日前之甚數也夫頭之左邊及耳前後皆屬於
少陽也經曰少陽多氣少血今用風藥痰藥類皆燥劑
少血之經又以燥劑燥之則血愈虛少矣血少則澀滯
澀滯則壅腫且血逢冷則凝今復以寒劑凝之愈助其
壅腫又則鬱而爲熱腐肉成膿從耳中出矣漸至右耳
亦聾者脈絡相貫血氣相似未有血病而氣不病也是
以始則左病而終至於右亦病矣况病久血氣已虛且

人年六十血氣日涸而又出外勞傷氣血又多服燥劑以損其氣血膿又大出已竭其氣血則虛而又虛可知矣以理論之當滋養氣血氣血健旺則運行有常而病自去矣否則不惟病不除而腦癱耳疽抑亦不免矣人參二錢黃芪三錢歸身白木生薑各一錢鼠粘子連翹柴胡陳皮各六分川芎片苓白芍各七分甘草五分煎服數十貼而愈

王萬里時患耳痛魏文靖公勸服青鹽鹿茸煎雄附為劑且言此藥非謂君虛宜服曷不觀易之坎為耳痛坎水藏在腎開竅於耳而水在志為恐恐則傷腎故為耳痛氣陽運動為顯血陰流行常幽血在形如水在天地間

故坎為血卦是經中已著病症矣竟餌之而愈出楊升庵丹鉛續錄

一人耳内生疔如棗核大痛不可動用火酒滴耳內令仰上半時以簞取出絕根此名耳痔

江應宿治上舍孫順吾患耳鳴重聽人事煩冗雜治半年不愈逆予視之脉數滑以二陳加瞿麥扁蓄木通黃柏乙服知二服已

耳暴聾者用全蝎去毒為末酒調滴耳中聞流水聲即愈

耳聾用全蝎四十九枚用生薑厚片如數鋪鍋內置蝎於薑上慢火烙薑片至黃色蝎熟去毒併頭足研為細末

酒調送下隨量飲醉為度取汗
許公子延耳生蝨瘡用甘蔗煨存性雞蛋清調搽愈

鼻

狄梁公性好醫藥尤妙鍼術顯慶中應制入關路旁大榜
云能療此兒酬絹千匹有富室兒鼻端生贅如拳石綴
鼻根帶如筋痛楚危亟公為册後下鍼疣贅應手而落
其父母輦千緡奉酬公不顧而去集異記

韓懋治一人鼻中肉贅臭不可近痛不可推醫莫能治韓
乃以白礬末加礬少許吹其上頃之化水而消與膠濕
湯加瀉白散二劑而愈此厚味擁濕熱蒸於肺門如雨
霽之地突生芝菌也凡治病只此理耳

一士人患鼻淵脉疾而數此有內熱遂以黃魚腦即石首魚頭中
是也取二三枚煨過存性為末先以一二分吹入鼻

中以五分酒下不數服而愈更不復發

古方鼻淵即今之腦漏是也當別寒熱二症若涕臭者屬熱宜用清涼之藥散之若涕清不臭覺腥者屬虛寒宜溫和之劑補之當審此理

一人鼻中毛出晝夜長一二尺漸漸粗圓如繩痛不可忍摘去更生此因食猪羊血過多而然也用硃砂乳香飯丸水下十粒早晚各一服病去乃止

一人鼻腥臭水流以碗盛而視之有鐵色蝦魚如米大走躍捉之即化為水此肉壞矣食雞魚一日二次一月而愈

求真年東市百姓王布知書藏錢千萬商旅多實之有女

年十四五艷麗聰暗鼻兩孔各垂息肉如皂莢子其根細如麻綆長寸許觸之痛入心髓其父破錢數百萬治之不差忽一日有梵僧乞食因問布知君女有異疾可一見吾能治之布大喜即見其女僧乃取藥色正白吹其鼻中少頃滴去之出少黃水都無所苦布賞之百金不受唯乞塞肉遂珍重而去勢疾如飛酉陽雜俎

江篁南治一壯年患鼻齩曾膈不利醫用苦寒驅風敗血之劑服之年餘其人倦怠甚目不欲開江診視右寸脉浮洪帶結餘部皆沈細而軟曰鼻齩雖是多酒所傷然苦寒驅風破血之藥豈宜常服經曰苦傷氣又曰苦傷血况風藥多燥燥勝血服之積久安得不倦怠耶且目

得血而能視，目不欲開者，血傷倦怠者，氣傷也。所謂虛其虛，誤矣。治宜化滯血，生新血。四物加炒片苓、紅苓、茯苓、陳皮、甘草、黃芪煎服。兼服固本丸，日就強健。鼻齧亦愈。

江應宿治友人王曉，鼻塞氣不通利，濁涕稠粘，屢藥不效。已經三年，宿診視兩寸浮數，曰鬱火病也。患者曰：昔醫皆作腦寒，主治子何懸絕？若是耶？經曰：諸氣臍鬱，皆屬於肺。越人云：肺熱甚則出涕，故熱結鬱滯壅塞而氣不通也。投以升陽散火湯十數劑，病如失。

程文彬治男子年二十餘，鼻流濁涕，名曰鼻淵。已經三年，治不效。程以辛夷、薄荷、葉各五錢，蒼耳子二錢，半白芷

一兩，爲末，水丸如彈子，大每服二錢，食後葱湯送下。或茶化亦可，藥完愈。

眉

一人眉毛搖動目眩不能視喚之不應但能飲食用蒜三兩取汁酒調下即愈

一男子眉間一核初如豆粒二年漸大如桃用清肝火養肝血益元氣而愈

眉髮自落

張仲景有奇術王仲宣年十七時過仲景景曰君體有病宜服五石湯若不洽年及三十當眉落仲宣以為賒遠不治後至三十果眉落其精如此小說

一騎軍一旦得疾雙眼昏咫尺不辨人物眉髮自落鼻梁崩倒肌膚有瘡如癬皆為惡疾勢不可救因為洋州駱谷子歸寨使遇一道流自谷中出不言姓名授其方曰皂角刺一二片為灰蒸晒研為末食上濃煎大黃湯調一錢匕決旬髮髮再生肌膚悅潤眼自倍明得此方後入山不知所之感應神仙傳

薛已治一儒者因飲食勞後及惱怒髮脫落薛以為勞傷

精血陰火上炎所致用補中益氣加麥冬五味及六味地黃丸加五味眉髮頓生如故

一男子年二十巔毛脫盡用六味地黃丸不數日髮生寸許兩月復舊

吳江史萬湖云有男女偶合眉髮脫落無藥調治數月後復生

江應宿見一男子眉髮禿落遇方士教服鹿角膠每日侵晨酒化下一二錢半年眉髮長年餘復舊

鬚髮不白

指揮使姚歡年八十餘鬚髮不白自言年六十歲患癰疥

周匝頂腫或教服黃連遂愈又服故髮不白其法以宣

連去鬚酒浸一宿焙乾為末蜜丸桐子大日午臨卧以

酒吞二十粒東坡大全

學正程畿齋翁年八十餘鬚髮不白自言三十歲後服六

味地黃丸加生脉散至今五十餘年無一日缺是以精

神完固康健不衰服此忌蘿蔔大蒜

抱朴子云槐子服之補腦令人髮不白而長生焦氏筆乘

庾肩吾常服槐實年九十餘目看細書髮皆黑梁書

上舍黃霞壁傳染鬚方用五倍子一錢半火銅內炒黃烟出將盡起清烟

二陣就取起以手紅銅清擦試之紫色為度銅落四分水率未食鹽生礬各二分俱為細末用烏梅三四個石榴皮少煎水調如稀糊磁器乘之重湯攪稠先將肥皂洗鬚拭乾乘熱塗上以薄絲紙貼上明早用溫水潤透洗淨如皮肉黃色將絹片染油擦去

目

東垣治一人因多食猪肉煎餅同蒜醋食之後復飲酒大醉臥於煖炕翌日二瞳子大於黃精視物無的實以小為大行步踏空百治不効曰經云五藏六府之精皆上注於目而為之精精之窠為眼骨之精為瞳子又云筋骨氣血之精而為脈并為系上屬於腦又瞳子黑眼法於陰今瞳子散大者由食辛熱物太甚故也辛主散熱則助火乘於腦中其精故散精散則視物亦散也夫精明者所以視萬物者也今視物不真則精衰矣蓋火之與氣勢不兩立經曰壯火食氣手少陰足厥陰所主風熱連目系邪之中各從其類故循此道而來攻頭目腫

閱而瞳子散大皆血虛陰弱故也當除熱涼血益血以
收耗散之氣則病愈矣以滋陰地黃丸經云熱淫所勝
平以鹹寒佐以苦甘以酸收之以黃連黃芩大苦寒除
邪氣之盛為君當歸身辛溫生熟地黃苦甘寒養血涼
血為臣五味酸寒體輕浮上收瞳人之散大人參甘草
地骨皮天門冬枳殼甘寒瀉熱補氣為佐柴胡引用為
使

一人目翳暴生從下而起其色綠瞳痛不可忍曰翳從下
而上病從陽明來也綠非五色之正此腎肺合而為病
乃以墨調膩粉合之却與翳色相同腎肺為病明矣乃
瀉腎肺之邪入陽明之藥為使既效矣他日病復作者

三其所從來之經與翳色各異因悟曰諸脈皆屬於目
肺病則目從之此必經絡未調故目病未已也問之果
然治疾遂不作

一人病翳眼六年以至遮瞳人視物不明有雲氣之狀因
用百點膏而效東垣十書

一軍官六月患眼疾於上眼皮下出黑白翳兩個隱滿難
開兩目緊縮而無疼痛兩手寸脈細緊按之洪大無力
知足太陽膀胱為命門相火煎熬逆行作寒水翳及寒
膜遮睛呵欠善悲健忘噴嚏多淚時自淚下面赤而白
能食不大便小便數而欠氣上而喘用撥雲湯而愈蘭

秘藏

丹溪治一老人目忽盲他無所苦以大虛治之急煎人參膏一斤服二日目稍有見不信一醫用青礞石藥朱曰今夕死矣果然

一壯年忽早起視物不見就睡片時略見而不明食減倦甚脉緩大四至之上重則散而無力意其受濕所致詢之果卧濕地半月遂以白朮為君黃芪茯苓陳皮為臣附子為使十餘貼愈

一人形實好熱酒忽目盲脉瀦此熱酒傷胃氣汚濁血死其中而然也以蘇木作湯調人參末服二日鼻及二掌皆紫黑朱曰滯血行矣以四物加蘇木桃仁紅花陳皮煎調人參末服數日而愈

呂滄洲治一人病二日視物皆倒植屢治不効曰視一物

為二視直為曲古人嘗言之矣視物倒植誠所未喻也

願聞其因彼曰某葦大醉盡吐所飲酒熱睡達曙遂病

呂切其脉左關浮促餘部皆無恙即告之曰當傷酒大

吐時上焦反覆致倒其膽府故視物皆倒植此外因而

致內傷者也法當復吐以正其膽府遂授藜蘆瓜蒂為

粗末水煎俾平且頓服湧之湧畢視物不倒植

錢仲陽治一乳婦因棒而病既瘳目張不得瞑錢曰煮郁

李酒飲之使醉即愈所以然者目系內連肝膽恐則氣

結膽衝不下郁李能去結隨酒入膽結去膽下目能瞑

矣飲之果驗

石山治一婦年踰四十兩眼昏昧咳嗽頭痛似鳴而痛若
過飢惡心醫以眼科治之病甚翁診脈皆細弱脾部尤
近弦弱曰脾虛也東垣云五臟六府皆稟受脾土上貫
於目脾虛則五藏精氣皆失所司不能歸明於目矣邪
逢其身之虛隨眼系入於腦則腦鳴而頭痛心者君火
也宜靜相火化行其令勞後運動則妄行侮其所勝故
咳嗽也醫不理脾養血而以苦寒治眼是謂治標不治
本乃用參芪錢半麥門冬貝母各一錢歸身八分陳皮
川芎黃芩各七分甘草乾菊花各五分麥芽四分煎服
二貼諸症悉除

淮安陳吉老儒醫也有富翁子忽病視正物皆以為邪凡

几案書冊之類排設整齊必更移令斜自以為正以至
書寫尺牘皆然父母憂之醫皆不諳其疾或以吉老告
遂携子求治既診脈後令其父先歸留其子設藥開宴
酬勸至醉乃罷扶病者坐轎中使人昇之高下其手常
令傾側展轉久之方令登榻而卧達旦酒醒遣之歸家
前日斜視之物皆理正之父母躍然而喜往問治之之
方吉老云令郎無他疾醉中嘗閃倒肝之一葉搭於肺
上不能下故視正物為邪今復飲之醉則肺脹展轉之
間肝亦隨下矣藥安能治之哉富翁嘆服雲麓漫抄
饒州民郭端友精意事佛紹興之夏忽兩目失光翳膜遮
障巫醫鍼刮皆無功自念唯佛力可拯一日三時禮佛

一夜夢皂衣告曰汝要眼明用獺掌散能熊膽丸則可明
日市得獺掌散點之不効既而於道藏獲觀音治眼熊
膽丸方即依方市藥修製之服之兼旬眼明眸子瞭然
以治人目疾多愈藥方用十七品南熊膽一分爲主黃
連蜜蒙花羌活各一兩半防己二兩半草龍膽蛇蛻地
骨皮大木賊仙靈脾皆一兩瞿麥旋覆花甘菊花皆半
兩雜仁三錢半麒麟竭一錢蔓菁子一合同爲細末以
羯羊肝一具煮其半焙椒入於藥中取其中生者去膜
爛研入上件藥杵而丸之桐子大飯後米飲下三十九
諸藥修製無別法唯木賊去節雜仁用肉蔓菁水淘蛇
蛻炙云夷堅志

江陵傅氏家貧鬻紙爲業性喜雲水見必邀迎小閤懸巨
仙翁像奉事甚謹雖妻子不許輒至一日有客方巾布
袍入共語曰適有百金邀傅飲傅目昏多淚客教用生
熟地黃切焙椒去目及閉口者三物等分爲末蜜丸桐
子大五十九鹽米飲空心下傅如方治藥不一月目明
夜能視物年八九十耳自聰明精力如壯辛志
唐承元僊因官治一死囚出活之囚後數年以病自致死
一且催爲內障所苦喪明逾年後夜半嘆息獨坐忽聞
增除承宰之聲催問爲誰徐曰是昔蒙活囚故報恩耳
乃告以用黃連一兩白羊子肝一具去膜同於沙盆內
研令極細隨手爲丸桐子大每服以溫水下三十九連

作五劑言訖忽不見催依此合服數日眼復明凡諸目疾乃醫部青膏皆治忌猪肉冷水本事方

一人患赤眼腫痛脾胃虛弱飲食難進診其脈肝盛脾弱涼藥以治肝則損脾飲食愈難進服暖藥以益脾則肝愈盛而加病何以治之乃於溫平藥中倍加肉桂不得用茶調恐傷脾也肉桂殺肝而益脾故一治兩得之傳曰木得桂而死醫餘

一人患眼疾每睡起則眼赤腫良久却愈百治莫効師曰此血熱非肝病也卧則血歸於肝熱血歸肝故令眼赤腫也良久却愈者人卧起血復散於四肢故也遂用生地黃汁浸粳米半升搽乾曝令透骨乾三浸三乾用磁

瓶煎湯一升令沸下地黃米四五匙煎成薄粥湯放溫食半飽後飲一二盞即睡如此兩日遂愈生地黃汁涼血故也醫餘

錢鏐年老一目失明聞中朝國醫胡姓者善醫上言求之晉祖遣醫泛海而往醫視其目曰尚父可無療此當延五七歲宗若決膜去肉障即復舊但慮損福耳鏐曰吾得不為一目鬼死於地下足矣願醫盡其術以療之醫為治之復故鏐大喜且賂醫金帛寶幣五萬緡具舟送歸京師醫至鏐卒年八十一矣劉穎水異苑

郭太尉真州人久患目盲有白翳膜遍服藥其効有親仲監稅在常州守官聞張鼉龍之名因薦於太尉請視之

曰此眼緣熱藥過多乃生外障視物不明醫者皆以為
肝元損下虛補其肝腎眼愈盲吾與藥一月取翳微消
後果一月翳退雙自如舊其方只用猪膽微火銀銚內
煎成膏入水腦如黍米大點入眼中微覺翳輕後又將
猪膽白膜皮曝乾合作小繩如釵大小燒作灰待冷點
翳甚者亦能治之醫餘

潭州宗室趙大尉家乳母苦爛緣風眼近二十年有賣藥
老媪過門云此眼有蟲其細如絲色赤而長久則滋生
不已吾能談笑除之入山取藥晚下當為治療趙使人
陰尾之見媪沿道撥叢蔓木葉以手接碎入口中咀嚼
而留汁滓於小竹筒內俄復還索皂紗蒙乳母眼取筆

畫雙眸於紗上然後滴藥汁漬眼下緣轉睛間蟲從紗
中出其數十寸狀如前所云數日再至下緣內乾如常
人復用前法滴上緣又得蟲十數家人大喜後傳與醫
者上官彥誠過呼鄰婦病此者驗試皆差其藥乃覆盆
子葉一味著於本草陳藏器云治眼睛不見物冷淚浸
淫不止及青盲等取此草日曝乾搗令極爛薄綿裹之
以人乳汁浸如人行八九里久用點目中即卧仰面不
過三四日視物如少年但禁酒麪油蓋治眼妙品也志
明州定海人徐道亭父沒奉母周遊四方事之盡孝博熙
中寓秦州因患赤眼而食蟹遂成內障欲進藥不能素
解暗誦般若經出丐市里所得錢半持歸養母凡歷五

年忽夜夢一僧長眉大鼻托鉢鉢中有水令掬以洗
 眼復告之曰汝此去當服羊肝丸百日徐意為佛羅漢
 喜而拜願乞神方僧曰洗淨夜明沙當歸蟬壳木賊去
 節各一兩共碾為末黑羊肝四兩水煮爛搗如泥入煎
 藥拌和丸桐子大食後溫熱水下五十丸服之百日復
 舊與其母還鄉母亡棄家入道類記

福州人病目兩臉間赤濕流淚或痛或痒晝不能視物夜
 不可近燈光元元癡坐其友趙子春語之曰是為爛緣
 血風我有藥正治此名曰二伯味花草膏病者驚曰用
 藥品如是世上方書所未有豈易遷辨君直相戲耳趙
 曰我適見有藥當以與君明日携一錢匕至堅凝成膏

使以匙抄少許入口一日淡止二日腫消三日痛定豁
 然而愈乃往趙致謝且扣其名物笑曰只用羯羊膽去
 其中脂而滿填好蜜拌均蒸之候乾即入瓶研細為膏
 以蜂採百花羊食百草故隱其名以眩人耳癸志
 荀牧仲常謂予曰有人視一物為兩醫者即作肝氣有餘
 故見一為兩教服補肝藥皆不驗此何疾也予曰孫真
 人云目之系上屬於腦後出於腦中邪中於頭因逢身
 之虛其入深則隨目系入於腦入於腦則轉轉則目系急
 急則目眩以轉邪中於睛所中者不相比則睛散睛散
 則歧故見兩物也令服驅風入腦藥而愈本事方
 省郎中張子敬年六十病眼自昏暗唇微黑色皮膚不澤

六脉弦細而無力一日出示治眼二方問可服否羅謙甫曰此藥皆以黃連大苦之藥為君諸風藥為使且人年五十膽汁減而目始不明內經云土位之主其瀉以苦諸風藥亦皆瀉土人年七十脾胃虛而皮膚枯重瀉其土使脾胃之氣愈虛而不能營運榮衛之氣滋養元氣胃氣不能上行膈氣吐食諸病生焉况已年高衰弱起居皆不同此藥不可服祇宜慎言語節飲食懲忿窒慾此不治之治也張以為然明年春除關西路按察使三年致仕還精神清勝脉亦和平此不妄服寒藥之效也內經曰誅罰無過是謂太感豈不信哉

一人眼赤鼻張大喘渾身出斑髮如銅鐵絲硬乃目中熱

毒氣結於下焦用白礬活石各一兩水三碗煎至一碗半不住口飲盡乃愈

一人眼前常見禽蟲飛走捉之即無乃肝膽經為疾用酸棗位羌活玄明粉青相子各一兩為末每水煎至二錢和查服日三服

一人眼珠垂下至鼻大便血出各肝脹用羌活水煎數服愈

一人眼內白眚却黑見物依舊毛髮直如鐵條不語如醉名血瀆用五靈脂酒調下二錢愈

一人眼中忽有血如射而出或緣鼻下但血出多時即經不行乃陰虛相火之病遂用歸身尾生地黃酒為加

柴胡黃柏知母條芩倒柏葉木通紅花桃仁水煎食前服數劑而愈

薛已治給事張禹功目赤不明服祛風散熱藥反畏明重聽脈大而虛此因勞心過度飲食失節以補中益氣加茯神酸棗仁山藥山茱萸五味頓愈又勞後復甚用十全大補兼以前藥漸愈却用補中益氣加前藥而痊東垣云諸經脈絡皆走於面而行空竅其精氣散於目而為精走於耳而為聽若心煩事冗飲食失節脾胃虧損心火大甚百脈沸騰邪害孔竅而失明矣况脾為諸陽之首目為血脈之宗脾虛則五藏之精氣皆失其所若不理脾胃不養神血乃治標而不治本也

一儒者日晡兩目緊澁不能瞻視此元氣下陷用補中益氣倍加參芪數劑而愈

一男子亦患前症服蕭柏知母之類更加便血此脾虛不能統血肝虛不能藏血也用補中益氣六味地黃丸而愈

一儒者兩目作痛服降火祛風之藥兩目如絛熱倦殊甚薛用十全大補湯數劑諸症悉退服補中益氣兼六味丸而愈復因勞役午後目滿體倦服十全大補而愈

一男子年二十素嗜酒色兩目赤痛或作或止兩尺洪大按之微弱薛謂少年得此目當失明翌早索途而行不辨天日眾皆驚異與六味地黃丸加麥冬五味一劑頓

明

孫真人在廟治衛才人患眼疼衆醫不能療或用寒藥或用補藥加之藏府不和上召孫孫曰臣非眼科乞勿全責於臣降旨有功無過孫乃診之肝脉弦滑非壅熱也乃年壯血盛肝血併不通遂問宮人月經已三月不通矣用通經藥經行而愈

子和自病目或腫或翳羞明隱澁百餘日不愈張仲安云宜刺上星百會攢竹絲空諸穴上血出及以草莖內兩鼻中出血約升許來日愈

昔有入家一妾視物如曲弓視界尺之直亦如曲鈞俸醫親見藥莫能治

一婦病熱目視壁上皆是紅蓮花滿壁醫用滾痰丸下之愈

趙卿良醫也有機警一少年眼中常見一小鏡子諸醫不効趙診之與少年期來晨以魚鱸奉候少年及期赴之延於內且令從容俟客退方接俄而設臺子施一甌芥醋更無他味卿亦未出迨禺中久候不至少年飢甚且聞醋香不免輕啜之遂巡又啜之覺胃中豁然眼亦不見因竭甌啜之趙卿方出少年以啜醋慚謝卿曰郎君先因喫鱸太多芥醋不快又有魚鱸在胃中所以眼昏適來所備芥醋只欲郎君因饑以啜之果愈此疾烹鮮之會乃權詐也

管連雲之內日患_{ソツテ}治_ニ腫紅爛數年愈甚百計治之不能療
為延_ニ吳御醫診之曰吾得之矣為治_ニ太熱之劑數服其
病如_ク脫目復明問之曰此不難知也此女人進涼藥多
矣用_ニ太熱劑則凝血復散前藥皆得奏功

昔有人患內障眼用熟地黃麥門冬車前子三味為細末
蜜丸如梧桐子大本草云三物相雜治內障眼有效東
坡

仇池
筆記

梅聖俞和吳正仲赤白見寄詩云暫看朱成碧難逢漏與
和金篋舊熟在訶子古方磨自注云葛洪治赤白翳膜
方訶子一枚以蜜磨注目中焦氏筆乘

江應宿之內產後患_{ソツテ}治_ニ腫紅爛雜治不効意是脾經風熱

用槐樹枝八兩青鹽食鹽各二兩水飛炒燥早晨擦牙
洗之而愈

少叅崑石容公為諸生時患兩自蒙蒙若霧露不見物得

欽醫吳生方服之復明方用女貞子蜜水酒三停拌
勻九蒸九晒四

兩蜜蒙花依上拌
蒸如數谷精依上
拌蒸大黃依上
拌蒸各二兩弱者少

減防風柴胡石決明煨各二兩荆芥穗一兩川芎青皮

炒黃連連翹各兩半家菊花枸杞子充尉子各三兩玄

參四兩當歸尾青箱子草決明炒各一兩八錢赤芍一

兩二錢甘草九錢細辛四錢共二十一味為細末水一

鍾化真熊膽入黑羊膽鯉魚膽雄猪膽老米打糊丸如

黍米大食後每服二錢日三服忌燒酒大蒜雞鵝數年

之疾一旦復明此公居刑部時嘗數與予言之今貢士
霖野雷君錄其方且聞服藥屏居寂室內觀瞑目靜坐
其功尤勝於藥矣及其歷任中外潔已操行不急不隨
不萎不倦本寂室中瞑目之及歟

咽喉

張仲景治一男子纏喉風腫表裏皆作藥不能下以涼藥
灌入鼻中下十餘行外以拔毒散傳之陽起石燒赤與
伏龍肝等分爲末新汲水調掃百遍三日熱始退腫消
一貴婦喉痺蓋龍火也雖用涼劑而不可使冷服爲龍火
宜以火逐之入火者烹飪之火是也乃使曝於烈日之
中登於高堂之上令婢携火爐坐藥匙於上便藥等極
熱不至太沸適口時時呷之百餘次龍火自散此法以
熱虛是不爲熱病扞格故也

羅謙甫治梁濟民因膏粱而飲又勞心過度肺氣有傷以
致氣腥臭唾涕稠粘口舌乾燥以加減瀉白散主之難

經云心主五臭入肺為腥臭此其一也方以桑白皮桔
梗各二錢地骨皮甘草炙一錢半知母七分麥門冬菴
苓各五分五味二十粒煎食後溫服忌酒麪辛熱之物
日進二服衛生寶鑑

開德府一士人携僕入京其一忽患喉風脹滿氣塞不通
命在須臾一人云惟馬行街山水李家善治即偕往李
駭曰證候危甚猶幸來此不然難救矣乃於笥中取一
紙捻着火烟起吹滅之今患者張口刺於喉間俄出紫
血半合即時氣寬能言及啖粥飲參藥傳之立愈士人
神其技後還鄉一醫偶傳得此術云咽喉病發於六府
者如引手可探及刺破瘀血即已若發於五藏則受毒

牢浚手法藥力難到惟用紙捻為第一然不言所以用
之之意後有人拾取其殘者蓋頂以巴豆油塗故施火
即燃藉其毒氣徑到病所類編

一人患喉腫痛食不得下身熱頭痛大便不通醫之論紛
然皆謂熱當服涼劑有一善醫云脉緊數是感寒氣所
致眾醫不從善醫者曰我有法驗得寒熱浴室中坐火
用炒木葱湯沐浴若是病熱則此煖處必有汗而咽喉
痛不減若是感寒則雖沐浴無汗患者然之遂入沐浴
洗而無汗就浴室中服麻黃一服須臾大汗出大便通
即時無事眾醫欽服凡辨熱病與感寒皆可用此法醫
羅謙甫治征南元帥不鄰吉反年七旬春間東征南廻至

楚丘因過飲腹痛腸鳴自利日夜約五十餘行咽嗑腫
痛耳前後赤腫舌本強涎唾稠粘欲吐不能出以手曳
乏方出言語艱難反側悶亂夜不得卧羅診得脉浮數
按之沈細而弦卽謂中書粘公曰仲景云下利清穀身
體疼痛急當救裏後清便自調急當救表救裏四逆湯
救表桂枝湯總帥今胃氣不守下利清穀腹中疼痛雖
宜急治之比之嗑咽猶可少緩公曰何謂也答曰內經
云瘡發於咽嗑名曰猛疽此病治遲則塞咽咽塞則氣
不通氣不通則半日死故宜急治於是遂破刺腫上紫
黑血出頃時腫勢大消遂用桔梗甘草連翹黍粘酒蕭
芩升麻防風等分吹咀每服約五錢水煎清火熱漱冷

吐出之嚙之恐傷脾胃自利轉甚再服涎清腫散語聲
出後以神應丸辛熱之劑以散中寒解化宿食而燥脾
胃丸者取其不卽施行則不犯其上熱至其病所而後
化乃治主以緩也不數服利止痛定後胃中閉塞作陣
而痛復思靈樞有云上焦如霧宣五穀味薰膚充身澤
毛若雲霧之溉是爲氣也今公年高氣弱自利無度致
胃中生發之氣不能滋養於心肺故閉塞而痛經云上
氣不足推之揚之脾不足者以甘補之再以異攻散其
辛微溫之劑溫養脾胃加升麻人參上升以順正氣不
數服而胃中快利痛止內經云調氣之方必別陰陽內
者內治外者外治微者調之其次平之勝者奪之隨其

攸利萬舉萬全又曰病有遠近治有緩急毋越其制度又曰急則治其標緩則治其本此之謂也

一人咽喉間生肉層層相疊漸漸腫起有竅出臭氣用臭橘葉煎服而愈

一人但飲食若別有一咽喉斜過膈下徑達左脇而依脊悶以手按之則壓歷有聲以控涎丹十粒服之少時瘥熱熱作一聲轉瀉下痰飲二升再食正下而達胃矣

范九思不知何許人也業醫善針有人母患喉生蛾只肯服藥不用針無可奈何范曰我有藥但用新筆點之暗藏銀針在筆內刺之蛾破血出即愈可見醫者貴乎有機也

楊立之自廣府通判歸楚州喉間生癰既腫潰而膿血流

注日久不止寢食俱廢醫者束手適楊吉老赴郡二子邀之至熱視良久曰不須看脈已知之矣然此疾甚異

須先啖生薑片一斤乃可投藥否則無法也語畢即出其子有難色曰喉口潰膿痛楚豈食生薑立之曰吉老

醫術通神其言不妄試取一二片嚼我如不能進屏去

無害遂食之初時殊為甘香稍復加益至半斤許痛覺

已寬滿一斤始覺味辛辣膿血頓盡粥食入口了無滯

碍明日招吉老謝而問之曰君官南方多食鵝鴿此禽

好啖半夏久而毒發故以薑製之今病源已清無服他

藥類說

藥類說

齊東野語云辛丑余侍親還自福建途中有喉閉者老醫傳一方用鴨嘴膽礬一味研細醋調灌之藥甫下咽大吐膠痰卽差膽礬難得真者不可不預備以備急也江應宿治一婦喉痺用秘方蟾蜍窠二十一片煨存性枯礬燈草灰等分以鵝管吹入喉中卽時消散

一僕人患纏喉風用秘方透明雄黃一錢鬱金一錢巴菝七粒三生四熟去殼燈燒存性三物共研細末每服一分二厘半用茶清調服愈

一人喉閉不通用牙皂白礬黃連等分置新瓦上焙乾爲末吹入遂通

一人喉痺以鮮射干山荳根等分煎湯灌入卽愈

一人懸中下而不皆以爲熱遍試涼藥不効此中氣虛用補中益氣而愈

一人喉風牙關緊閉以牙皂五錢水一碗煎三分加好蜜一杯徐徐灌入鼻中其痰自出卽可進藥

口

一人口内生肉，甚有根，線長五寸餘，吐絛，出方可飲食，以手輕按痛徹於心，水調生麝香一錢，頻服之，三日根化而愈。

程仁甫治一婦，年近四十，信來求藥，云不時懸膈墮下，勞苦即衄血，或遍身而痛。程雖未診視，按經云：喉舌之疾皆屬痰火，推察其原，又是陰血不足，不能制上焦虛火，而前症作矣。若能滋下焦陰血，使水升火降，病當不舉。若峻用正治之藥，上焦之火未去，而中寒之疾復生，前病何由得愈？若能依法調治，兼守戒忌，或可痊也。八物湯加桔梗、陳皮、貝母、玄參，喉痛甚加荊芥、薄荷。丸藥加

減八味丸加黃柏，久服而安。

類聚卷之七

類聚卷之七

舌

子和治一婦人木舌脹其舌滿口諸藥不効令以銖針小鐵而銳之五七度腫減三日方平計所出血幾盈斗
 一婦人產子舌出不能取醫有周姓者令以朱砂末付其舌仍令作產子狀以二女掖之乃於壁外潛索益益置危處墮地作聲聲聞而舌收矣

夫舌乃心之苗此必難產而驚心火不寧故舌因用力而出也今以銖砂鎮其心火又使倏聞異聲以恐下經曰恐則氣下故以恐勝之也

王况遊京師會鹽法忽變有大賈觀揭示失驚吐舌遂不能復入經旬食不下咽庭羸日甚國醫莫能療其家憂

惶榜於市曰有治之者當謝千金况應其請見賈之狀忽發笑不能制心謂難治其家恠而詰之况謬哈之曰所笑者輦轂之大如此乃無人治此小疾耳且曰試取鍼經來况謾檢之偶有穴與其疾似况曰爾家當勤狀與我萬一不能治則勿方我我當針之可立愈其家從之急針舌之底抽針之際其人若委頓狀頃刻舌遂伸縮如平時自是名動京師益究心肘後諸書卒有聞於世事之偶然有如此王明清餘話

一士人公汴東歸夜泊村步其妻熟寐撼之問何事不答又撼之妻驚起視之舌腫已滿口不能出聲急訪醫得一叟負囊而至用藥搽之比曉復舊問之乃蒲黃一味

須真者佳 本事方

一士人無故舌出血仍有小穴醫者不知何疾偶曰此名舌衄炒槐花爲末摻之而愈良方

一人舌腫脹舒出口外無敢醫者一村人云偶有此藥歸而取至乃紙然以燈燒之取烟薰舌隨即消縮問之曰吾家舊有一牛舌腫脹出口人教以葦麻油蘸紙然燒烟薰之而愈因以治人亦驗

一人傷寒舌出寸餘連日不收用梅花片腦摻舌上應手而收重者用五錢方愈

薛已治一婦人惱怒舌本強手臂麻薛曰舌本屬土被木剋制故耳用六君加柴胡芍藥治之

一男子舌下牽強手大指次指不仁或大便秘結或皮膚赤暈薛曰大腸之脉散舌下此大腸血虛風熱當用逍遙散加槐角秦艽治之

牙

太倉公治齊中大夫病齩齒為灸其左太陽陽明脈更為苦參湯日漱三升出入五六日病已得之風及卧開口食而不漱史記

東垣治一婦人年三十齒痛甚口吸涼風則暫止閉口則復作乃濕熱也足陽明貫於上齒手陽明貫於下齒况陽明多血聚加以膏粱之味助其濕熱故為此病用葦連胡桐淡苦寒薄荷荊芥穗辛涼治濕熱為主升麻苦辛引入陽明為使牙者骨之餘以羊脛骨灰補之為佐麝香少許入肉為引用為細末擦之痛減半又以調胃承氣去硝加黃連以治其本二三行而止其病良愈不

復作

一人因服補胃熱藥致上下牙疼痛不可忍牽引頭腦滿面發熱大痛足陽明之別絡入腦喜寒惡熱乃是手陽明經中熱盛而作也其齒喜冷惡熱以清胃散治之而愈

子和治一人忽患牙痛曰陽明經熱有餘也乃付舟車丸七十粒服畢過數知交留飲強飲熱酒數盃藥為熱酒所發盡吐之吐畢而痛止三五日又痛再飲前藥百餘粒大小數行乃止

一婦牙痛治療不差致口頰皆腫以金沸草散大劑煎湯薰漱而愈綱目

一老人云祖上多患齒疼脫落得一奇方名牢牙散以槐枝柳枝各取四十根切碎皂角不燥者鹽四十文重同入磁瓶內黃泥固劑糠火燒一夜候冷取出研細用如常法甚效數世用之齒白齊密

劉漢卿郎中患牙槽風久之頷穿膿血淋漓醫皆不效在維陽時有立經歷妙於鍼術為漢卿鍼委中及女膝穴是夕膿血即止旬日後頷骨脫去別生新者完美如故又張師道亦患此證用此法鍼之亦愈委中穴在腿腓中女膝穴在足後跟後之鍼經無此穴惜乎後人未之知其神驗也癸辛 雜志

張季明治一人患牙疼為灸看尖微近骨後縫中小舉臂

取之當骨解陷中灸五壯即差嘗灸數人皆愈隨左右所患無不立驗灸畢項大痛良久乃定求不發季明曰予親病齒痛百方治之不效用此法治之遂差良方一人牙齒日長漸漸脹開口難為飲食蓋髓溢所致只服

白木愈衛生十 全方

葉景夏家一妾病齒遇痛作時爬床刮席叫呼連夕達旦勺飲不可入口醫藥莫效經年不差或授一方取附子尖天雄尖全蝎七箇皆生碾碎拌和以紙撚蘸少許點痛處隨手則止林元禮云未足為奇更有一法捕蚶蚬大者一服削竹篦子刮其眉即有汁粘其上約所取已甚則放之而以汁點痛處凡痔蝕癰腫一切齒皆效藥

到痛定仍不復作孫憫云此名蟾酥膏先以蠶掠眉下
汗未出時當以細杖鞭其背及頭候作怒鼓脹則流注
如涌然後以綿徑室痛處類編

初門汪丞相有妾平日好食動風物尤嗜蟹或作蟹發恣
噉之一日得風熱之疾齒間壅一肉出漸大脹塞口不
能閉水漿不入痛楚待斃而已有一道人云能治之其
法用生地黄取汁一碗猪牙皂角數挺火上炙令熟蘇
汁令盡末之傅癰肉上隨即消縮不日而愈後多金賂
其方

洛陽李敏求赴官東吳其妻病牙疼每發呻吟宛轉至不
堪忍令婢輩以釵按置牙間少頃銀色輒變黑毒氣所

攻痛楚可知也沿途醫之罔效嘉禾僧惠海為制一湯
服之半年所苦良已後食熱趨復作坐間煮湯以進一
服而愈其神速若此視藥之標題初不着方名但云涼
血而已敏求報之重徐以情叩之始知為四物湯蓋血
活而涼何由致壅滯以生疾也

一人忽然氣上喘不能語言口中涎流吐逆齒皆搖動氣
出轉大即悶絕名傷寒并熱霍亂用大黃人參各五錢
水三盞煎一盞服

宋英宗善齒藥方生地黄細辛白芷皂角各一两去皮子
入餅中黃泥固濟炭五六斤煨令盡炭入殭蠶一分甘
草二錢為細末早晚楷齒併治衄血動搖等疾出雲煙
過眼錄

江應宿在燕京見小兒醫陳吏目患齒痛臉腮腫起痛楚
難支聞一匠夫能治曳牙試召視之與五靈脂如米粒
者三顆令咬在痛齒上少頃以溫水漱出得小白蛀蟲
三條痛止腫消

疳

呂元膺治一僧病診其脉獨右關浮滑餘部無恙曰右關
屬脾絡胃挾舌本蓋風中廉泉得之醉卧當風而成疳
問之而信乃取荆瀝化至寶丹飲之翌日遂解語
一中年男子傷寒身熱醫與傷寒藥五七日變神昏而疳
遂作本體虛有痰治之人參半兩黃芪白朮當歸陳皮
各一錢煎湯入竹瀝薑汁飲之十一日其舌始能語得
一字又服之半月舌漸能轉運言語熱除而痊蓋足少
陰脉挾舌本脾足太陰之脉運舌本手少陰別繫舌本
故此三脉虛則痰涎乘虛閉塞其脉道而舌不能轉運
言語也若此三脉無血則舌無以營養而疳經云刺足

少陰脉重虛出血為舌難以言以言刺舌下中脉太過
血出不止為瘖治當以前方加補血藥也

一男子五十餘歲嗜酒吐血後不食舌不能言但渴飲水
脉略數與歸身為地各一两參朮二兩陳皮兩半甘草
二錢入竹瀝童便薑汁少許二十餘貼能言若此三脉
風熱中之則其脉弛縱故熱亦弛縱不能轉運而瘖風
寒客之則其脉縮急故舌卷而瘖在中風半身不收求
之也

丹溪治一人遺精誤服參芪及升浮劑遂氣壅於上焦而
瘖聲不出乃用童便浸香附為末調服而疎通上焦以
治瘖又用蛤粉青黛為君黃柏知母香附佐之為丸而

填補下焦以治遺十餘日良愈

本草言尿主久嗽失音故治瘖多用尿白能降火故
也

一人患卒瘖杏仁三分去皮尖熬別柞桂一分和泥如杏
核大綿裹含細嚙之日夜三五次

孫兆治曹部使新造一宅落成遷入經半月飲酒大醉卧
起失聲瘖不能言召孫視之曰因新宅故得此疾耳半
月當愈先服補心氣暑瀆丸治濕氣細辛川芎十日其
疾漸減二十日全愈曹既安見上問誰醫曰孫兆上乃
召問曰曹何疾也對曰凡新宅壁皆濕地亦陰多人乍
來陰氣未散曹心氣素虛飲酒至醉毛竅皆閉陰濕之

氣從而乘心經心經既虛而濕氣乘之所以不能語臣
先用暑瀉丸使心氣壯然後以川芎細辛去濕氣所以
能語也

一男子年近五十久病痰嗽忽一日感風寒食酒肉遂厥
氣走喉病暴瘳與灸足陽明別豐隆一穴各三壯足少
陰照海穴各一壯其聲立出信哉聖經之言也仍以葉
芩降火為君杏仁陳皮桔梗瀉厥氣為臣訶子瀉逆甘
草和元氣為佐服之良愈

一人驚氣入心絡瘖不能言以蜜作僧研細下匕許茶調
服遂愈有人因伐木山中為狼所逐而得是疾或授以
此方亦愈又一軍尉採藤於谷逢惡蛇而疾其狀症同

亦用此藥療之而愈

黃帝問曰人有重身九月而瘖此為何也岐伯對曰胞之
絡脈絕也帝曰何以言之岐伯曰胞絡者繫於腎少陰
之脈貫腎繫舌本固不能言也帝曰治之奈何岐伯曰
無治也當十月復

歐陽公與梅聖俞書失音記得一方將槐花於新瓦上炒
熟置懷袖中隨颺送一二粒口中咀嚼之使喉中常有
氣味久之聲自通

焦氏筆乘

皮膚皸裂

東垣治一人皮膚皸裂不任其痛兩手不能執較足不能履地停輟止宿因製潤肌膏與之即効方以珠青四兩白蠟八錢乳香二錢於鐵鑪內先下瀝青隨手下黃蠟乳香次入麻油一二匙俟瀝青溶開微微熬動放大淨水盆於其旁以攪藥用鐵錘滴一二點於水中試之如硬入少油者軟硬合宜新絲屨於水中揉扯以白為度磁器內盛或油紙裹每用先火上灸裂口予熱捻合藥亦火上灸軟塗裂口上紙少許貼之自然合矣

汪石山治一人年四十五歲平生瘦弱血少深秋得燥症皮膚折裂手足枯燥搔之屑起血出痛楚十指中厚皮而莫能搔痒汪製一方名生血潤膚飲用歸芪生熟地天麥二門冬五味片苓括蕁仁桃仁泥酒紅花升麻煎服十數貼其病如脫大便燥結加麻仁郁李仁此值庚子年歲金太過至秋深燥金用事久晴不雨乃得此症

骨哽

鄱陽汪友良因食火肉誤吞一骨如小指大哽於咽喉間
隱然見於膺韋引手可揣摩百計不下凡累日雖咳嗽
亦痛僅能略通湯飲舉家憂懼昏睡中見一人衣朱衣
者告曰欲脫骨哽惟南鵬砂妙恍惚驚悟謂非夢也殆
神明陰受以方欲全其命索筭得砂一塊汲水滌洗取
而含化終食間脫然如失壬志

吳江縣浦村王順富人也因食鰕魚被哽骨橫在膺中不
上不下痛楚之甚飲食不得幾死忽遇漁人張九言取
橄欖與食即軟也適當春夏之時無此果乃取橄欖核
搗為末以急流水調服之果安張九曰父老傳橄欖木

作魚掉筮魚若觸即便浮可捉所以知畏橄欖也今人
煮河豚須用橄欖乃知化魚毒也各醫

滁州蔣教授名南金因食鯉魚玉蟬羹為肋骨所哽凡治
哽藥及象角屑用之皆不効或令以貫衆不拘多少濃
煎汁一盞半分三服併進連服三劑至夜下咯而出因
戲云此管仲之力也

禮部王貞外言昔金陵有一士子為魚骨鯉所害不能飲
食忽見賣白錫糖者因買食之頓覺無恙後見齊真人

方見
論

誤吞金鑽

張成忠漢上人有女八歲將母金鑽子一隻剔齒含口中不覺嚥下胃膈痛不可忍憂惶無措忽銀匠來見云某有一藥物可療歸取藥至米飲抄下三錢令服來早大便取下後問之乃羊脛灰一物為末爾

劉遵道草衣先生族弟也有漁人誤吞釣鈎遵道令鑿蠟為丸以線貫下鈎銳入蠟即拽而出其人德之日獻魚一尾至夜乃止

咸平中職方魏公在潭州有數子弟皆幼因相戲以一釣竿垂鈎用棗作餌登陸釣雞雞一子學之而誤吞其鈎至喉中急引乃鈎以鬚逆不能出諸醫莫敢措手魏公

大怖時本郡有一莫都料性甚巧魏公召告其故莫沈思良久言要得一蠶繭及木念佛數珠一串公與之莫將繭剪如錢子用手揉四面令軟以油潤之仍中通一竅先穿上鈎線次穿數珠三五枚令兒正坐開口漸添引數珠俟之到喉覺至繫鈎處乃以力向下一推其鈎以下而脫即向上急出之見繭錢向下畏定鈎線鬚而出並無所損魏公大喜謝之且曰心明者意必大巧意明者心必善醫名醫錄

江應宿在維陽治鄉人王姓者因事犯鹽院驚懼自吞黃金一二錢心中憤憤無可奈何少頃已獲正犯其事遂平欲求生遍求醫藥不効逆予徃視之四肢厥冷六脉

沈伏計無所出沈思銀工鎔金必用礪砂礪能製金急
市礪四錢為末粥丸分二次服下少頃煎承氣湯利下
鵬裹金從大便出而安
凡人溺死者及服金屑未死者以鵬血灌之可活

誤吞水蛭蜈蚣

吳少師在關外嘗得疾數月間肌骨消瘦每飲食下咽少
時腹如萬蟲攢攻且痒且痛皆以為勞瘵也張銳為切
脉戒曰明日早旦忍饑勿啖一物銳當求為之計旦而
往天方劇暑曰請選健卒趨往十里外取行路黃土下
銀盃而令厨人旋治匙停午乃食纔舉筋取土適至於
是酒温二升投土攪其內出藥百粒進之腸胃掣痛幾
不堪生急登圍銳密使別坎一穴便扶其以行須臾大
下如傾穢惡斗許有馬蝗千餘宛轉盤結其已困死吳
亦憊甚扶憊榻上移時方餐粥三日而平始言去年正
以夏夜出師中途躁渴命候兵持馬盃掘澗水甬入口

似有物未暇吐之則竟入喉矣自此遂得病銳曰蟲入
肝脾裏勢須滋生常日遇食時則聚丹由間吮啞精血
飽則散麩四肢苟惟知殺之而不能掃盡故無益也銳
是以請公枵腹以誘之此蟲喜酒又久不得土味乘機
畢集故一藥能洗空之耳吳大喜厚贈金帛以歸吳志
寧國衛承務者唯一子忽得疾羸瘦如削醫以為療疾治
療無益醫劉大用問其致疾之因曰嘗以六月飲娼家
醉卧卓上醒渴求水不得前有舊蒲盆水清潔舉而飲
之自是疾作劉默喜遣僕掘田間於泥以水泛灌取清
汁兩碗置几上令隨意飲備子素厭疾苦忍穢一飲而
盡俄而腸胃間攻轉攪刺久之始定續投下藥百粒隨

卽洞泄下水蛭六十餘條便覺襟膈豁然此乃盆中所
誤吞也蛭入腹籍膏血滋養蕃育種類每粘着五藏牢
不可脫然去汚渠已久思其所嗜非以此物致之不能
集也然疴羸別以藥調補類編

有人因醉薄暮渴飲道傍田間水自此忽患胃腹脹悶遍
醫不効人亦莫識其病因幹宿客邸夜半思水飲令僕
覓之僕夜捫索見有缸數隻疑店主以此注水遂取一
碗飲其主便覺胃次豁然再索之忽覺藏府急於店傍
空地大瀉一二行平明視之所瀉乃水蛭無數繼看夜
所飲缸水乃刈藍作靛也其病遂愈方思前時渴飲田
水乃誤吞水蛭在腹遂成脹痛之疾乃蛭爲害令人耘

田爲此蟲所齧以靛塗之無不愈者

金莊一農夫夏天晝卧於地熟寐間蜈蚣入其口既寤喉
中介介如梗狀咯不能出咽不能下痛痒不定甚爲苦
楚一醫用雞卵劈破入酒調勻頓服仍以木黃爲末和
香油飲之頃刻瀉出蜈蚣尚活蓋蜈蚣被雞卵拘攣其
足不能舒動以利藥下之故從大便而出雞性好食蜈
蚣亦取相制之意耳菽園雜記

有村店婦人因用火筒吹火不知筒中有蜈蚣藏焉用以
吹火蜈蚣驚迸竄入喉中不覺下曾臆婦人求救無措
適有過客教取小猪兒一箇切斷頭取血令婦人頓飲
之須臾以生油一口灌婦人遂惡心其蜈蚣衣在血中

吐出繼與雄黃細研水調服愈

一人夜醉誤吞水蛭腹痛黃瘦不進飲食用小死魚四箇
猪脂煎鎔攪勻入巴菴十粒碎爛和田中乾泥丸如棗
豆大以田中冷水吞之下丸瀉下爲度

有人蚰蜒入耳遇其極時以頭撞柱至血流不知止痒甚
不可忍蚰蜒入耳往往食髓至盡又能滋生凡蟲入耳
用生油灌妙

一人晝卧蚰蜒忽入耳初無所苦久之覺腦痛疑其食腦
甚苦之莫能爲計也一日將午餉就案而睡適有雞肉
一盤在旁夢中忽噴嚏覺有物出鼻中視之乃蚰蜒在
雞肉上自此腦痛不復作蚰蜒狀類蜈蚣而細好入人

耳往往食人腦髓髓盡人斃北方多有之菽園雜試

[Faint bleed-through text from the reverse side of the page]

蛇蟲獸咬

臨川有入以弄蛇貨藥為業一日為蝮所嚙即時殞絕一臂忽大如股少頃遍身皮脹作黑黃色遂死有道人方旁觀言曰此人死矣我有一藥能療但恐毒氣益深或不可治諸君能相與證明方敢為出力眾咸竦踊觀之乃求錢二十文以往才食頃奔而至命新汲水解裹中調一升以杖扶傷者口灌之藥盡覺腑中擠擠然黃水自其口出臭穢逆入四肢應手消縮良久復如故其人已能起與未傷時無異遍拜見者且鄭重謝道人道人道曰此藥甚易辨吾不惜傳諸人乃香白芷一物也法當以麥冬湯調服適事急不暇姑以水代之吾今活一人

可行矣拂袖而去郭邵州得其方嘗有鄱陽一卒夜直更舍為蛇齧腹明且赤腫欲裂以此飲之即愈夷堅志一人被毒蛇傷良久已昏困有老僧以酒調藥二錢灌之遂蘇及以藥滓塗咬處良久復灌二錢其苦皆去問之乃五靈脂一兩雄黃半兩為末兩有中者用之皆驗

本草衍義

徑山寺僧為蛇傷足久之毒氣蔓延游僧教以汲淨水洗病脚搥以軟帛糝以白芷末入鴨嘴膽礬麝香少許良久惡水涌出痛乃止明日淨洗如初日日皆然一月平復談藪

趙延禧遭惡蛇所螫貼蛇皮便於其上灸之引去毒氣

痛即止太平廣記

南海地多蛇而廣府治尤甚其侍郎為帥聞雄黃能制此毒乃買數百兩分貯綃袋囊掛於寢室四隅經月餘日臥榻外常有黑汁從上滴下臭且臊使人窺之則巨蛛橫其上死腐矣於是盡令撤去障蔽死者長丈許如柱大旁又得十數條皆蟠蚪成窠它屋內所驅放者合數百自是官舍為清類編

浙西軍將張韶為蚯蚓所咬其形如大風眉鬚皆落每夕蚯蚓鳴於體有僧教以濃作鹽湯浸身數遍差朝集有人被壁鏡毒幾死一醫用桑柴灰汁三度沸取調白礬為膏塗瘡口即差兼治蛇毒太平廣記

張收常為獠犬所傷醫云宜食蝦蟆鱸收甚難之醫含咲

收常因此方乃食亦即愈 沈約宋書

彭城夫人夜之廁蒿螫其手呻吟無賴華佗令溫湯漬手

數易湯當令暖其且則愈 太平御覽

蛇入人竅中急以手捻定以刀刮破尾以柘或辛辣物置

尾以綿繫之即自出不可拔

一室女近窓作女工忽頭疼痛甚諸藥不効一醫徐察之

窓外畜鴉知為鴉虱飛入耳中咬而痛也以稻稗煎濃

汁灌之虱死而出遂不痛

晉州吳權府佃客五月間收麥用騾車搬載一小廁引頭

被一騾跑倒又咬破三兩處痛楚不可忍五七日膿水

臭惡難近又兼蛆蚊攢攻不能禁無奈計門外車房中

一道人見之曰我有一方可救傳汝脩合如法製服蛆

皆化為水而出蠅亦不敢近又以寒水石為末傳之旬

日良愈僉以為神其方以蟬退青黛各五錢華陰細辛

二錢半蛇退皮一兩燒存性右為末和勻每服三錢酒

調下如騾馬牛畜成瘡用酒調灌之皆効如夏月犬傷

及諸般損傷生蛆蟲極盛臭惡不可近皆可用之

江應宿夜被蜈蚣螫其手立腫毒甚偶記一方取生白礬

火化滴上痛止腫消

嶠嶺多蜈蚣動長二三尺螫人求死不得然獨畏托胎蟲

多延井幹墻壁上蜈蚣雖大偶從下過托胎蟲必自落

於地蜈蚣為局縮不得行托胎蟲乃徐徐圍繞周匝蜈
蚣愈益縮然後登其首陷腦而食之以故人遭蜈蚣害
必取托胎蟲涎輒生搗塗焉痛立止托胎蟲即蝟牛之
脫殼者俗名蜈蚣
是也鐵圍山
叢談

名醫類案卷之七終

